

I buku rĩa Ngai kũrĩ ciana
nĩrĩrakũrehera

Andũ Arĩa
Matangĩainamire



Rwandĩkĩtwo nĩ: Edward Hughes

Rũthathaũrĩtwo nĩ: Jonathan Hay; Alastair P.

Rũharĩrĩirio nĩ: Mary-Anne S.

Rũtaũrĩtwo nĩ: Stephen Kimani


Rũtungĩtwo nĩ: Bible for Children
www.M1914.org

©2026 Bible for Children, Inc.

Rũtha: Nĩwĩfĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Mũthamaki Nebukadinezaru
agĩthondeka mũhianano
mũnene wa thahabu. Waarĩ
wa thahabu kuuma mũtwe
nginya magũrũ. Nogũkorwo
mũthamaki nĩariganĩirwo
kĩrooto kĩrĩa Ngai amũheete
kũmwĩra atĩ ũthamaki wake
wa thahabu ndwarĩ wa tene
na tene. Nogũkorwo
eeciragia atĩ aaka mũhianano
wa thahabu theri, kiugo kĩa
Ngai kĩrootoinĩ gĩake
gĩtikũhinga.





Ndungata ãmwe ya
mũthamaki ãgĩthooma
watho kũrĩ Andũ othe:
“. . . nĩmũkũinamĩrĩra na
mũhooe mũhianano wa
thahabu . . . Na Mũndũ
ũrĩa ũtakũinamĩrĩra na
aũhooe agũikio icuainĩ
rĩrarĩrĩmbũka mwaki.”



Andũ othe magĩĩka ũrĩa mũthamaki aathanĩite- tiga arũme atatũ. Arũme aya maarĩ Ahimbirania. Maarĩ Shadiraka, Meshaka na Abedinego, araata a Danieli.

Kũrooneka Danieli ndaarĩ kuo kahinda gaaka, nĩtondu hatarĩ nganja o nake nĩangĩaregire kũhooya mũhiano ũyũ wathondekeetwo nĩ andũ.




Andũ arĩa oogĩ a mũthamaki nĩmaiguagĩra Danieli na araata aake ũiru nĩ tondu mũthamaki nĩamendeete. Makiuga, "Nĩharĩ na andũ atatũ arĩa ũtuĩte atongoria Babuloni - Shadiraka, Meshaka na Abedinego. Andũ aya, we mũthamaki, matigũathĩkagĩra. Matitungatagĩra ngai ciaku kana kũhooya mũhianano wa thahabu ũrĩa ũthodekete."



Mũthamaki akĩiyũrwo nĩ marakara. Akĩmakaania, “Mwarega kũhooya, mũgũikio icuainĩ rĩa mwaki ũrarĩrĩmbũka. Nĩ ngai ũrĩkũ ũkũmũhonokia kuuma mookoinĩ makwa?”




Mũthamaki nĩekaga mahĩtia manene. Nĩ kũgeria
ageragia Ngai ũrĩa wĩ muoyo. Arũme aya atatũ
Ahimbirania nĩmamenyaga atĩ kwarĩ mũgarũ na watho
wa Ngai kũhooya mũhianano. Magĩikara marũgamĩite.
Nĩũndũ nĩmehokeete Ngai, matietigĩrire mũthamaki.



Njamba ici ithatũ nĩciarĩ na icokia kũrĩ mũthamaki.
Makiuga, "Ngai ũrĩa tũtungataga no ahote
gũtũhonokia kuuma icua rĩrĩ rĩrarĩrĩmbũka mwaki.
No ona kwaga ũguo, menya ũũ, we mũthamaki, atĩ
tũtigũtungata ngai ciaku kana tũhooe mũhianano ũcio
wa thahabu ũthondekeete."



Mũthamaki
Nebukadinezaru
akĩrakara mũno!
Agĩatha moongerere
ũrugarĩ icuainĩ maita
mũgwanja makĩrĩa.
Ona kũrĩ ũguo athuuri
acio makĩrega
kũinamĩrĩra.



Mũthamaki agĩatha arũme maarĩ na
hinya a mbũtũ yake moohe Shadiraka,
Meshaka na
Abedinego,

na
mamaikie
icuaiĩ rĩa
mwaki
ũrĩa
warĩrĩmbũkaga.




I cua rĩu rĩarĩ ihiũ
mũno ũndũ arũme arĩa
maikirie Shadiraka,
Meshaka na Abedinego
mwakiinĩ mooragirwo
nĩ ũrugarĩ ũcio.



Mũthamaki akĩĩrorera arĩ haraihu. Akĩona athuuri
acio atatũ magĩikio gatagatiĩnĩ ka icua rĩu
riarĩrĩmbũkaga. No to ũguo oonire.



Mũthamaki Nebukadinezaru akĩmaka!
Akĩũria arĩa mamũteithagia, "Githĩ
tũtiikirie athuuri atatũ
moheetwo gatagatĩ ka
mwaki?" Nao
magĩcookia, "Ĩĩ."
Nake akiuga, "Rorai!
Ndĩroona andũ
ana matarĩ oohe,
magĩceeraceera
gatagatĩ ka mwaki,
na matiragurara.
Na wa kana ahaana
Mũrũ wa Ngai!"



Mũthamaki agĩkuhĩrĩria mũrango wa icua rĩu
riarĩrĩmbũkaga mwaki, agĩkaya akiuga,
“Shadiraka, Meshaka, na Abedinego,
ndungata cia Ngai ũrĩa ũrĩ igũrũ
mũno, umaai!” Shadiraka,
Meshaka na Abedinego
makiuma icuainĩ
rĩa mwaki
warĩrĩmbũkaga.



Andũ othe makĩmarĩgicĩria na makĩrora Ahimbirania
acio atatũ. Nĩmoonire atĩ mwaki ndwarĩ na hinya wa
kũmacina. Njuĩrĩ yao ndĩahutĩtio, na nguociao
citiacinĩtwo. Ona matianungaga ndoogo ya mwaki.



Rĩrĩa amenyire ũrĩa gwekĩkĩte, mũthamaki
Nebukadinezaru agĩĩka ũndũ waarĩ wa ũũgĩ. Akĩhooya
na akiuga, "Kũraathĩmwo nĩ Ngai wa Shadiraka,
Meshaka na Abedinego, ũrĩa watũma Mũraika wake
na akũũra ndungata ciake iria cimwĩhokeete."



Andũ Arĩa Matangĩainamire

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Danieli 3

“Ciugo Ciaku ciatarĩrio nĩrehaga ũtheri.”
Thaburi 119:130



Mũico



Rũgano rŭrũ, rŭrĩa rumĩte Ibukuĩnĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũcĩĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma I buku rĩa Ngai na waranagĩrie nake o
mũthenya o mũthenya! Johana 3:16

